

摘藻堂四庫全書薈要

史部

欽定四庫全書薈要

史部

水經注卷五

詳校官編修臣繆晉



欽定四庫全書蒼要卷七千六百十六

史部

水經注卷五

後魏 酈道元 撰

河水

案二字原本訛在經文又東上近刻又增河水五三字表目

又東過平縣北

案平下原本及近刻竝衍陰字今考上言過平陰清水來注此不得言過平陰

湛水來注明矣後人習見平陰罕見平因而妄加然湛水入河在鄧不在平縣故城之東道元于河水逕平縣故城北下即云又東溟水入焉于湛水云斯乃溟川之所由非湛水之間關也可證此經本作平縣

湛水

從北來注之

河水又東逕河陽縣故城南

案此十一字原本及近刻竝訛作經考河陽臨

平洛陽皆在平陰之東平縣之西不得與經文清素今改正

春秋經書天王狩于

河陽壬申公朝于王所晉侯執衛侯歸于京師春秋

左傳僖公二十八年冬會于溫執衛侯是會也晉侯

召襄王以諸侯見且使王狩仲尼曰以臣召君不可

以訓故書曰天王狩于河陽言非其狩地服虔賈逵

曰河陽溫也班固漢書地理志司馬彪袁山松郡國

志

案山松原本及近刻竝訛作一崧字今改正後同

晉太康地道記十三州

志河陽別縣非温邑也

案河陽故城在今孟縣西三十五里温故城在今温縣西

南三十里是以道元辯之

漢高帝六年封陳涓為侯國王莽之河

亭也十三州志曰治河上河孟津河也郭緣生述征

記曰踐土今冶坂城是名異春秋焉非也

案冶原本及近刻竝

訛作治下同今考冶坂城其下為冶坂津在今孟縣西南而踐土在今滎澤縣西北王宮城之內故道元

辯其非

今河北見者河陽城故縣也在冶坂西北蓋晉

之温地故羣儒有温之論矣魏土地記曰冶坂城舊

名漢祖渡城險固南臨孟津河河水右逕臨平亭北

案此八字原本及近刻竝訛作經近刻右訛作又

帝王世紀曰光武葬臨平

亭南西望平陰者也河水又東逕洛陽縣北

案此九字原本

及近刻竝訛作經

河之南岸有一碑北面題云洛陽北界津

水二渚分屬之也

案近刻脫津字屬訛作為

上舊有河平侯祠祠

前有碑今不知所在郭頌世語曰晉文王之世大魚

見孟津長數百步高五丈頭在南岸尾在中渚河平

侯祠即斯祠也河水又東逕平縣故城北

案此十字原本及近

刻竝訛作經今考以上注文記河之西來所逕至此即上經文所謂又東過平縣北也

漢武帝

元朔三年封濟北貞王子劉遂為侯國王莽之所謂
治平矣俗謂之小平也有高祖講武場河北側岸有

二城相對置北中郎府徙諸徒隸府戶

案徙近刻訛作徙

并

羽林虎賁領隊防之河水南對首陽山春秋所謂首
戴也夷齊之歌所以曰登彼西山矣上有夷齊之廟
前有二碑竝是後漢河南尹廣陵陳遵雒陽令徐循

與處士平原蘇騰

案近刻脫原字

南陽何進等立事見其碑

又有周公廟魏氏起玄武觀于芒垂張景陽玄武觀

賦所謂高樓特起竦峙崒嶢直亭亭以孤立延千里

之清飈也朝廷又置冰室于斯阜室內有冰井春秋

左傳曰日在北陸而藏冰常以十二月採冰于河津

之隘峽石之阿北陰之中即邠詩二之日鑿冰沖沖

矣而內于井室所謂納于凌陰者也河南有鉤陳壘

世傳武王伐紂八百諸侯所會處尚書所謂不期同

時也紫微有鉤陳之宿主鬪訟兵陣故遁甲攻取之

法以所攻神與鉤陳并氣下制所臨之辰則決禽敵

案決近刻訛作秩

是以壘資其名矣河水于斯有盟津之目

論衡曰武王伐紂升舟陽侯波起疾風逆流

案逆流近刻訛作

疾武王操黃鉞而麾之風波畢除中流白魚入于舟

燔以告天

案燔近刻訛作燔

與八百諸侯咸同此盟尚書所

謂不謀同辭也故曰孟津亦曰盟津尚書所謂東至

于孟津者也又曰富平津晉陽秋曰杜預造河橋于

富平津

案近刻脫河字

所謂造舟為梁也又謂之為陶河

案為

近刻作曰魏尚書僕射杜畿以帝將幸許試樓船覆于陶

河謂此也昔禹治洪水觀于河見白面長人魚身出
曰吾河精也授禹河圖而還于淵及子朝篡位與敬
王戰乃取周之寶玉沈河以祈福後二日津人得之
于河上將賣之則變而為石及敬王位定得玉者獻
之復為玉也河水又東溟水入焉

崇此八字原本及近刻竝訛作經溟

訛作溟溟水詳見卷七濟水內

山海經曰和山上無草木而多瑤碧

寔惟河之九都是山也五曲九水出焉合而北流注
于河其陽多蒼玉吉神泰逢司之是于黃山之陽出

入有光呂氏春秋曰夏后氏孔甲田于東陽賁山遇
大風雨迷惑入于民室皇甫謐帝王世紀以為即東
首陽山也蓋是山之殊目矣今于首陽東山無水以
應之當是今古世懸川域改狀矣昔帝堯脩壇河洛
擇良議沈率舜等升于首山而遵河渚

案遵近刻
訛作導

有

五老遊焉相謂河圖將來告帝以期知我者重瞳也
五老乃翻為流星而升于昴即于此也又東濟水注

焉

案此六字原本及近刻竝訛作經今考此
即後注內所謂今濟水自溫縣入河者也

又東過鞏縣北

河水于此有五社渡為五社津建武元年朱鮪遣持節使者賈彊討難將軍蘇茂將三萬人從五社津渡攻溫馮異遣校尉與寇恂合擊之大敗追至河上生

擒萬餘人投河而死者數千人縣北有山臨河

案近刻訛

作城謂之崙原丘其下有穴謂之鞏穴言潛通淮浦

案近

刻脫北達于河直穴有渚謂之鮪渚成公子安大河

淮字

賦曰鱸鯉王鮪春暮來遊

案近刻脫春字

周禮春薦鮪然非

時及佗處則無故河自鮪穴已上又兼鮪稱呂氏春

秋稱武王伐紂至鮪水紂使膠鬲候周師即是處矣

案近刻脫

此二字

洛水從縣西北流注之

洛水于鞏縣

案近刻縣下衍而字

東逕洛汭

案近刻脫逕字

北對琅邪

渚入于河謂之洛口矣自縣西來而北流注河

案近刻訛

作洛清濁異流皦焉殊別應瑒靈河賦曰資靈川之遐

源

案靈近刻訛作虛

出崑崙之神丘涉津洛之阪泉

案阪近刻訛作

峻播九道于中州者也

又東過成皋縣北濟水從北來注之

河水自洛口又東左逕平皋縣南

案皋近刻訛作高

又東逕

懷縣南濟水故道之所入與成皋分河

案河下近刻衍水字

河

水右逕黃馬坂北

案此八字原本及近刻竝訛作經近刻右訛作又

謂之黃

馬關孫登之去楊駿作書與洛中故人處也河水又

東逕旋門坂北

案此九字原本及近刻竝訛作經

今成皋西大坂者

也升陟此坂而東趣成皋也曹大家東征賦曰望河

洛之交流看成皋之旋門者也河水又東逕成皋大

伍山下

案此十一字原本及近刻竝訛作經

爾雅曰山一成謂之伍許

慎呂忱等竝以為丘一成也孔安國以為再成曰伍亦或以為地名非也尚書禹貢曰過洛汭至大伾者

也鄭康成曰地喉也沅出伾際矣

案此句之下近刻衍然則大伾四字

在河內脩武武德之界濟沅之水與滎播澤出入自

此然則大伾即是山矣伾北即經所謂濟水從北來

注之者也今濟水自溫縣入河

案濟近刻訛作沛

不于此也

所入者奉溝水耳

案溝近刻
訛作濟

即濟沈之故瀆矣

案濟
近刻

訛作
溝

成皋縣之故城在亓上

案近刻脫
城在二字

縈帶亓阜絕

岸峻周高四十許丈城張翕險崎而不平春秋傳曰

制巖邑也虢叔死焉即東虢也魯襄公二年七月晉

成公與諸侯會于戚遂城虎牢以逼鄭求平也蓋脩

故耳穆天子傳曰天子射鳥獵獸于鄭圃命虞人掠

林有虎在于葭中天子將至七萃之士高奔戎生捕

虎而獻之天子

案補近
刺作擒

命之為柙畜之東虢

案近刻
訛作虞

是曰虎牢矣然則虎牢之名自此始也秦以為關漢
乃縣之城西北隅有小城周三里北面列觀臨河峒
峒孤上景明中言之壽春路值茲邑升眺清遠勢盡

川陸羈途遊至有傷深情河水南對玉門

案此六字原本及近

刻竝訛作經

昔漢祖與滕公潛出濟于是處也門東對臨

河側岸有土穴魏攻北司州刺史毛德祖于虎牢

案北

司州近刻訛作此同州

戰經二百日不克城惟一井井深四十

丈山勢峻峭不容防捍潛作地道取井余頃因公至

彼故往尋之其穴處猶存河水又東合汜水

案此七字原本

及近刻竝訛作經

水南出浮戲山世謂之曰方山也北流合

東關水

案近刻脫合字東訛作車

水出嵩渚之山

案近刻脫水字作出于嵩渚之

也山泉發于層阜之上源兩枝分流瀉注世謂之石

泉水也東為索水西為東關之水

案近刻作東流為索水西注為車關

西北流楊蘭水注之水出非山西北流注東關水

案注

下近刻衍為字

東關水又西北清水入焉

案清近刻訛作蒲

水自東

浦西流與東關水合而亂流注于汜汜水又北右合

石城水水出石城山其山複澗重嶺鼓壘若城山頂
泉流瀑布懸瀉下有溫泉東流洩注邊有數十石畦
畦有數野蔬巖側石窟數口隱跡存焉而不知誰所

經始也又東北流注于汜水汜水又北合鄆水

案又近刻

訛作下

水西出婁山至冬則煖故世謂之溫泉東北流

逕田鄆谷謂之田鄆溪水東流注于汜水汜水又北
逕虎牢城東漢破司馬欣曹咎于是水之上汜水又
北流注于河征艱賦所謂步汜口之芳草弔周襄之

鄙館者也余按昔儒之論

案近刻
脱昔字

周襄所居在潁川

襄城縣是乃城名非為水目原夫致謬之由俱以汜

鄭為名故也是為爽矣又按郭緣生述征記劉澄之

永初記竝言高祖即帝位于是水之陽今不復知舊

壇所在盧諶崔雲亦言是矣余按高皇帝受天命于

定陶汜水不在此也于是求壇故無髣髴矣

案無近
刻訛作

為河水又東逕板城北

案此八字原本及
近刻竝訛作經

有津謂之

板城渚口河水又東逕五龍塢北

案此九字原本及
近刻竝訛作經

塢臨長河

案塢字近刻
訛在河字下

有五龍祠應劭云崑崙山廟

在河南滎陽縣

案南近刻
訛作東

疑即此祠所未詳

又東過滎陽縣北蕩蕩渠出焉

案近刻脫北
字蕩訛作蕩

大禹塞滎澤開之以通淮泗即經所謂蕩蕩渠也漢

平帝之世河汴決壞未及得脩汴渠東侵日月彌廣

門閤故處

案門閤近刻
訛作水門

皆在水中漢明帝永平十二

年議治汴渠上乃引樂浪人王景問水形便

案近刻
問下有

理景陳利害應對敏捷帝甚善之乃賜山海經河渠

書禹貢圖及以錢帛後作隄發卒數十萬詔景與將

作謁者王吳治渠

案近刻吳訛作吳治渠訛作共防

築隄防脩竭

案近

刻脫防字

起自滎陽東至千乘海口千有餘里景乃商度

地勢鑿山開澗防遏衝要疏決壅積十里一水門更

相迴注無復滲漏之患

案滲近刻作潰

明年渠成帝親巡行

詔濱河郡國置河隄員吏如西京舊制景由是顯名

王吳及諸從事者皆增秩一等順帝陽嘉中又自汴

口以東緣河積石為堰通渠

案河字近刻訛在為堰下渠訛作淮下衍古口

二咸曰金隄靈帝建寧中又增脩石門以遏渠口

案渠

近刻亦訛作淮水盛則通注津耗則輟流河水又東北逕卷

之扈亭北

案此十一字原本及近刻竝訛作經

春秋左傳曰文公七年

晉趙盾與諸侯盟于扈竹書紀年晉出公十二年

近案

刻訛作二十二年

河絕于扈即于是也河水又東逕八激隄

北

案此九字原本及近刻竝訛作經

漢安帝永初七年令謁者太山

于岑于石門東積石八所皆如小山以捍衝波謂之

八激隄河水又東逕卷縣北

案此八字原本及近刻竝訛作經

晉楚

之戰晉軍爭濟舟中之指可掬楚莊祀河告成而還

即是處也河水又東北逕赤岸固北而東北注

案此十四

字原本及近

刻竝訛作經

又東北過武德縣東沁水從西北來注之

案近刻脫西北來注四字

河水自武德縣漢獻帝延康元年封曹叡為侯國即

魏明帝也東至酸棗縣西濮水東出焉

案此十一字原本及近刻

竝訛作經

漢興三十有九年孝文時河決酸棗東潰金隄

大發卒塞之故班固云文堙棗野武作瓠歌謂斷此

口也今無水河水又東北通謂之延津

案此十字原本及近刻竝

訛作經

石勒之襲劉曜途出于此以河冰泮為神靈之

助號是處為靈昌津昔澹臺子羽齎千金之璧渡河陽侯波起兩蛟挾舟子羽曰吾可以義求不可以威

劫

案近刻訛作卻

操劍斬蛟蛟死波休乃投璧于河三投而

輒躍出乃毀壁而去示無吝意趙建武中造浮橋于津上採石為中濟石無大小下輒流去用工百萬經年不就石虎親閱作工沈璧于河明日璧流渚上波

蕩上岸遂斬匠而還河水又逕東燕縣故城北

案此十字

原本及近刻竝訛作經近刻脫逕字又此句之下衍則有濟水自北來注之九字

河水于是

有棘津之名亦謂之石濟津

案原本及近刻竝脫石字今考即胙城縣東北

石濟

故南津也春秋僖公二十八年晉將伐曹曹在

衛東

案衛近刻訛作縣

假道于衛衛人不許還自南河濟即

此也

案濟字近刻訛在即此下又此句之下衍河水于是亦有棘津之名十字

晉伐陸渾

亦于此渡宋元嘉中

案近刻訛作年

遣輔國將軍蕭斌率寧

朔將軍王玄謨北入宣威將軍垣護之

案垣近刻訛作桓

以

水軍守石濟即此處也河水又東淇水入焉又東逕

遮害亭南

案此十五字原本及近刻竝訛作經

漢書溝洫志曰在淇水

口東十八里有金隄隄高一丈自淇口東地稍下隄

稍高至遮害亭高四五丈

案近刻脫高字

又有宿胥口舊河

水北入處也

案此所謂舊河即禹貢古河也

河水又東右逕滑臺城

北

案此十字原本及近刻竝訛作經

城有三重中小城謂之滑臺城

舊傳滑臺人自脩築此城因以名焉城即故鄭廩延

邑也下有延津春秋傳曰孔悝為蒯聵所逐載伯姬

于平陽行于延津是也廩延南故城即衛之平陽亭也今時人謂此津為延壽津宋元嘉中右將軍到彥

之

案近刻
脫將字

留建威將軍朱脩之守此城魏軍南伐脩

之執節不下其母悲憂一旦乳汁驚出母乃號踊告家人曰我年老非有乳時今忽如此吾兒必沒矣脩之絕援果以其日陷沒城故東郡治續漢書曰延熹九年濟陰東郡濟北平原河水清襄楷上疏曰春秋注記未有河清而今有之易乾鑿度曰上天將降嘉

應河水先清京房易傳曰河水清天下平天垂異

案近

刻訛作翼

地吐妖民厲疫

案近刻作疾

三者並作而有河清春

秋麟不當見而見孔子書以為異河者諸侯之象清者陽明之徵豈獨諸侯有窺京師也明年宮車宴駕徵解瀆侯為漢嗣是為靈帝建寧四年二月河水又清也

又東北過黎陽縣南

黎侯國也詩式微黎侯寓于衛是也晉灼曰黎山在

其南河水逕其東其山上碑云縣取山之名取水之陽以為名也王莽之黎蒸也

案黎蒸近刻訛作魏丞

今黎山之

東北故城蓋黎陽縣之故城也山在城西城憑山為

基東阻于河

案于近刻訛作為

故劉楨黎陽山賦曰南蔭黃

河左覆金城青壇承祀高碑頌靈昔慕容玄明自鄴

率衆南徙滑臺既無舟楫將保黎陽昏而流澌冰合

于夜中濟訖旦而冰泮燕民謂是處為天橋津東岸

有故城險帶長河戴延之謂之遼明壘

案遼近刻訛作遼下同

周二十里言逢明石勒十八騎中之一

案近刻脫此二字

城

因名焉郭緣生曰城袁紹時築皆非也余按竹書紀

年梁惠成王十一年

案近刻訛作十三年

鄭釐侯使許息來致

地平丘戶牖首垣諸邑及鄭馳道

案近刻訛作地

我取枳道

與鄭鹿

案此下近刻重鄭鹿二字

即是城也今城內有故臺尚謂

之鹿鳴臺又謂之鹿鳴城王玄謨自滑臺走鹿鳴者

也濟取名焉故亦曰鹿鳴津又曰白馬濟津之東南

有白馬城衛文公東徙渡河都之故濟取名焉袁紹

遣顏良攻東郡太守劉延于白馬關羽為曹公斬良

以報效即此處也

案也上近刻衍是字

白馬有韋鄉韋城故津

亦有韋津之稱史記所謂下脩武渡韋津者也

案下脩武

近刻訛作脩武下武

河水舊于白馬縣南洑通濮濟黃溝故蘇

代說燕曰決白馬之口魏無黃濟陽竹書紀年梁惠

成王十二年楚師出河水以水長垣之外者也

案出近刻

訛作決

金隄既建故渠水斷尚謂之白馬瀆故瀆東逕

鹿鳴城南又東北逕白馬縣之涼城北者舊傳云東

郡白馬縣之神馬亭實中層峙南北二百步東西五

十許步狀丘斬城也

案此句有脫誤未詳

自外耕耘墾斫削落

平盡正南有躔陟上

案近刻訛作陟躔陟上

方軌是由西南

側城有神馬寺樹木脩整西去白馬津可二十許里

東南距白馬縣故城可五十里疑即開山圖之所謂

白馬山也山下常有白馬羣行悲鳴則河決馳走則

山崩注云山在鄭北

案北近刻訛作此又訛在下句故字下

故鄭也所

未詳劉澄之云有白馬塞孟達登之長歎可謂于川

土疎妄矣亭上舊置涼城縣治此案舊字下近刻衍曰字涼訛作源

白馬瀆又東南逕濮陽縣散入濮水所在決會更相

通注以成往復也河水自津東北逕涼城縣案此十字原本

及近刻竝訛作經河北有般祠孟氏記云祠在河中積石為

基河水漲盛恒與水齊戴氏西征記曰今見祠在東

岸臨河累石為壁其屋宇容身而已殊似無靈不如

孟氏所記將恐言之過也河水又東北逕伍子胥廟

南案此十一字原本及近刻竝訛作經祠在北岸頓丘郡界臨側長河

廟前有碑魏青龍三年立河水又東北為長壽津

案此

九字原本及近刻竝訛作經

述征記曰涼城到長壽津六十里河

之故瀆出焉漢書溝洫志曰河之為中國害尤甚故

導河自積石歷龍門二渠以引河

案此有脫文漢書作歷龍門南到華

陰東下底柱及盟津碓內至于大伾于是禹以為河所從來者高水湍悍難以行平地數為敗迺醜二渠以引其河北

一則漂川

案此下近刻有則字

今所流也一則北

瀆王莽時空故世俗名是瀆為王莽河也故瀆東北

逕戚城西

案此八字原本及近刻竝訛作經今考以下乃注內叙河之故瀆所逕

春秋

哀公二年晉趙鞅率師納衛太子蒯聩于戚宵迷陽

虎曰右河而南必至焉今頓丘衛國縣西戚亭是也

為衛之河上邑漢高帝十二年封將軍李必為侯國

矣故瀆又逕繁陽縣故城東

案此十字原本及近刻並訛作經

史記

趙將廉頗伐魏取繁陽者也

案近刻脫取字

北逕陰安縣故

城西

案此八字原本及近刻並訛作經

漢武帝元朔五年封衛不疑

為侯國故瀆又東北逕樂昌縣故城東

案此十二字原本及近刻

並訛作經

地理志東郡之屬縣也漢宣帝封王稚君為侯

國故瀆又東北逕平邑郭西

案此十字原本及近刻竝訛作經

竹書

紀年晉烈公二年

案近刻訛作四年

趙城平邑五年田公子

居思伐邯鄲圍平邑九年

案近刻訛作十年

齊田肸及邯鄲

韓舉戰于平邑

案肸近刻訛作汾

邯鄲之帥敗逋

案近刻訛作遂獲

韓舉取平邑新城又東北逕元城縣故城西北而至

沙丘堰

案此十六字原本及近刻竝訛作經

史記曰魏武侯公子元食

邑于此故縣氏焉

案漢書地理志魏郡元城應劭曰魏武侯公子元食邑于此因而遂

氏焉此引史記當是地理風俗記之誤

郭東有五鹿墟墟之左右多陷

城

案之字下近刻行在字

公羊曰襲邑也說曰襲陷矣郡國志

曰五鹿故沙鹿有沙亭周穆王喪盛姬東征舍于五

鹿其女叔妘此思哭是曰女妘之丘為沙鹿之異

名也春秋左傳僖公十四年沙鹿崩晉史卜之曰陰

為陽雄土火相乘故有沙鹿崩後六百四十五年宜

有聖女興其齊田乎後王翁孺自濟南

案濟近刻訛作齊脫南字

徙元城正直其地日月當之王氏為舜後土也漢火

也王禁生政君其母夢見月入懷年十八詔入太子

宮生成帝為元后漢祚道汙四世稱制故曰火土相
乘而為雄也及崩大夫揚雄作誄曰太陰之精沙鹿
之靈作合于漢配元生成者也獻帝建安中

案獻帝上近刻

行漢字

袁紹與曹操相禦于官渡

案禦近刻作襲

紹逼大司農

鄭玄載病隨軍屈此而卒郡守已下受業者哀經赴

者千餘人玄注五經讖緯候歷天文經通于世故范

曄贊曰孔書遂明漢章中輟矣縣北有沙丘堰堰障

水也

案此四字近刻訛在亦曰潰下

尚書禹貢曰北過降水

案近刻脫此九

字不遵其道曰降亦曰潰至于大陸北播為九河

此案

九字原本及近刻並訛作經今考此即上文所引禹貢以解釋雜其間耳

風俗通曰河播

也播為九河自此始也禹貢沈州九河既道

案道下近刻有

矣謂徒駭太史馬頰覆釜胡蘇簡潔句盤鬲津也同

為逆河鄭玄曰下尾合曰逆河言相迎受矣

案迎近刻訛作

承蓋疏潤下之勢以通河海及齊桓霸世塞廣田居

同為一河故自堰以北館陶慶陶貝丘高般廣川信

都東光河間樂成以東

案川近刻訛作光

城地並存川瀆多

亡漢世河決金隄南北離其害議者常欲求九河故

迹而穿之

案穿近刻訛作川

未知其所是以班固云自茲距

漢北亡八枝者也河之故瀆自沙丘堰南分屯氏河出焉河水故瀆東北逕發干縣故城西又屈逕其北

案此三十三字原本及近刻竝訛作經

王莽之所謂戢楯矣漢武帝以

大將軍衛青破右賢王功封其子登為侯國大河故

瀆又東逕貝丘縣故城南

案此十三字原本及近刻竝訛作經

應劭曰

左氏傳齊襄公田于貝丘是也余按京相璠杜預竝

言在博昌即司馬彪郡國志所謂貝中聚者也應注

于此事近違矣大河故瀆又東逕甘陵縣故城南

案此

十三字原本及近刻竝訛作經地理志之所謂厝也王莽改曰厝治

者也漢安帝父孝德皇以太子被廢為王薨于此乃

葬其地尊陵曰甘陵縣亦取名焉桓帝建和二年改

清河曰甘陵

案縣亦取名焉五字近刻訛在此是周

之甘泉市地也

案市近刻訛作市陵在瀆北丘墳高巨雖中

經發壞猶若層陵矣世謂之唐侯冢

案近刻訛作家城曰邑

城皆非也昔南陽文叔良以建安中為甘陵丞夜宿

水側趙人蘭襄夢求改葬叔良明循水求棺果于水

側得棺半許落水叔良顧親舊曰若聞人傳此吾必

以為不然遂為移殯醜而去之大河故瀆又東逕艾

亭城南又東逕平晉城南今城中有浮圖五層上有

金露盤題云趙建武八年比釋道龍和上竺浮圖澄

樹德勸化興立神廟

案興近刻
訛作興

浮圖已壞露盤尚存

煒煒有光明大河故瀆又東北逕靈縣故城南王莽

之播亭也河水于縣

案水近刻作瀆

別出為鳴犢河河水故

瀆又東逕郟縣故城東呂后四年以父嬰功封子佗

襲為侯國

案襲近刻訛作龍

王莽更名之曰善陸大河故瀆

又東逕平原縣故城西而北絕屯氏三瀆

案三瀆謂屯氏河及

屯氏別河之南北瀆近刻三訛作二

北逕繹幕縣故城東北西流逕平

原鬲縣故城西

案此三十九字原本及近刻竝訛作經

地理志曰鬲津

也王莽名之曰河平亭故有窮后羿國也

案近刻脫羿字

應

劭曰鬲偃姓咎繇後光武建武十三年封建義將軍

朱祐為侯國

案義近刻訛作議祐訛作祐

大河故瀆又北逕脩縣

故城東又北逕安陵縣西

案此十九字原本及近刻竝訛作經

本脩之

安陵鄉也地理風俗記曰脩縣東四十里有安陵鄉

案近刻訛作縣

故縣也又東北至東光縣故城西而北與漳

水合

案注內叙河之故瀆終于此

一水分大河故瀆北出為屯氏

河逕館陶縣東北出

案此二十一字原本及近刻竝截上三字屬注文下十八

字訛作經

漢書溝洫志曰自塞宣防河復北決于館陶縣

分為屯氏河廣深與大河等成帝之世河決館陶及

東郡金隄上使河隄謁者王延世塞之三十六日隄

成詔以建始五年為河平元年以延世為光祿大夫

是水亦斷屯氏故瀆水之又東北屯氏別河出焉屯

氏別河故瀆又東北逕信成縣案近刻訛作信城縣下同張甲河

出焉案近刻脫河字地理志案志下近刻有曰字張甲河案此下近刻衍及瀆二字

首受屯氏別河于信成縣者也張甲河故瀆案故近刻訛作

及北絕清河于廣宗縣案清字近刻訛在縣字下分為二瀆左瀆

逕廣宗縣故城西又北逕建始縣故城東田融云趙

武帝十二年

案近刻訛作二十二年

立建興郡

案近刻脫郡字

治廣宗

置建始興德五縣隸焉左瀆又北逕經城東繚城西

又逕南宮縣西北注絳瀆

案此二十一字原本及近刻竝訛作經今考注內叙

張甲河左瀆終于此

右瀆東北逕廣宗縣故城南又東北逕界

城亭北又東北逕長樂郡棗彊縣故城東

案棗彊原本及近刻

竝訛作武彊今訂正又此三十二字亦訛作經今考以下乃注內叙張甲河右瀆所逕

長樂故

信都也晉太康五年改從今名又東北逕廣川縣與

絳瀆水故道合

案原本及近刻竝脫絳瀆二字今考濁漳水注內言絳瀆東連于廣川縣

之張甲河同歸于海
其為絳瀆合流顯然

又東北逕廣川縣故城西又東

逕棘津亭南

案此二十九字原本及近刻竝訛作經

徐廣曰棘津在廣

川司馬彪曰縣北有棘津城呂尚賣食之困疑在此也劉澄之云譙郡鄆縣東北有棘津亭故邑也呂尚所困處也余按春秋左傳伐巢克棘入州來無津字杜預春秋釋地又言棘亭在鄆縣東北亦不云有津字矣而竟不知澄之于何而得是說然天下以棘為名者多未可咸謂之棘津也又春秋昭公十七年

案近

刻訛作十四年

晉侯使荀吳帥師涉自棘津用牲于洛遂滅

陸渾杜預釋地闕而不書服虔曰棘津猶孟津也徐

廣晉紀又言石勒自葛陂寇河北襲汲人向冰

案近刻訛

作入向水

于枋頭濟自棘棘津在東郡河內之間田融以

為即石濟南津也雖千古茫昧理世玄遠遺文逸句

容或可尋沿途隱顯方土可驗司馬遷云呂望東海

上人也老而無遇以釣于周文王又云呂望行年五

十賣食棘津七十則屠牛朝歌行年九十身為帝師

皇甫士安云欲隱東海之濱聞文王善養老故入釣于周今汲水城亦言有呂望隱居處起自東海迄于鄆雍緣其逕趣趙魏為密厝之譙宋事為疎矣張甲

故瀆又東北至脩縣東會清河

案此十四字原本及近刻竝訛作經今考

注內敘張甲河右瀆終于此

十三州志曰張甲河東北至脩縣入

清漳者也屯氏別河又東枝津出焉東逕信成縣故

城南又東逕清陽縣故城南清河郡北

案此三十一字原本及近

刻竝訛作經今考屯氏別河又東承前逕信成縣張甲河出焉之文以下則又敘屯氏別河之枝津也

魏自清陽徙置也又東北逕陵鄉南又東北逕東武

城縣故城南又東北逕東陽縣故城南

案此二十八字原本及近

刻竝訛作經

地理志曰王莽更之曰胥陵矣俗人謂之高

黎郭非也應劭曰東武城東北三十里有陽鄉故縣

也又東散絕無復津逕

案注內敘屯氏別河枝津終于此

屯氏別河

又東北逕清河郡南又東北逕清河故城西

案此二十一字

原本及近刻竝訛作經今考以下皆注內敘屯氏別河所逕

漢高帝六年封王吸

為侯國地理風俗記曰甘陵郡東南十七里有清河

故城者世謂之鵲城也又東北逕繹幕縣南分為二

瀆屯氏別河北瀆東逕繹幕縣故城南東絕大河故

瀆又東北逕平原縣枝津北出至安陵縣遂絕屯氏

別河北瀆又東北逕重平縣故城南

案此五十三字原本及近刻竝

訛作經今考以下皆注內敘屯氏別河北瀆承上分為二瀆之文應劭曰重合縣西

南八十里有重平鄉故縣也又東北逕重合縣故城

南又東北逕定縣故城南漢武帝元朔四年封齊孝

王子劉越為侯國

案越近刻訛作成

地理風俗記曰饒安縣

東南三十里有定鄉城故縣也屯氏別河北瀆又東

入陽信縣今無水又東為咸河東北流逕陽信縣故

城北

案此三十字原本及近刻竝訛作經

地理志渤海之屬縣也東注

于海

案注內敘屯氏別河北瀆終于此

屯氏別河南瀆自平原東絕

大河故瀆又逕平原縣故城北枝津右出東北至安

德縣界東會商河屯氏別河南瀆又東北于平原界

又有枝渠右出至安德縣遂絕屯氏別河南瀆自平

原城北首受大河故瀆東出亦通謂之篤馬河

案此八十

九字原本及近刻竝訛作經今考以
下皆注內敘屯氏別河南瀆所逕 即地理志所謂

平原縣有篤馬河東北入海行五百六十里者也東

北逕安德縣故城西又東北逕臨齊城南始東齊未

賓

案此二十二字原本及近刻竝截上
十八字訛作經下四字仍屬注文

大魏築城以

臨之故城得其名也又屈逕其城東故瀆廣四十步

又東北逕重丘縣故城西

案此二十二字原本
及近刻竝訛作經

春秋

襄公二十五年秋同盟于重丘伐齊故也應劭曰安

德縣北五十里有重丘鄉故縣也又東北逕西平昌

縣故城北

案此十一字原本及近刻竝訛作經

北海有平昌縣故加西

漢宣帝元康元年封王長君為侯國故渠川派東入

般縣為般河蓋亦九河之一道也後漢書稱公孫瓚

破黃巾于般河即此瀆也又東為白鹿淵水南北三

百步東西千餘步深三丈餘其水冬清而夏濁渟而

不流若夏水洪泛水深五丈方乃通注般瀆又逕般

縣故城北

案此句九字原本及近刻竝截上二字屬注文下七字訛作經今考以下乃注內叙

屯氏別河南瀆為般河者也

王莽更之曰分明也東逕樂陵縣故

城北

案此八字原本及近刻竝訛作經

地理志曰故都尉治伏琛晏

謨言平原邑今分為郡又東北逕陽信縣故城南東

北入海

案此十四字原本及近刻竝訛作經今考注內敘屯氏別河南瀆終於此

屯氏河

故瀆自別河東逕甘陵之信鄉縣故城南

案此十九字原本及

近刻竝訛作經今考以下乃注內承前敘屯氏河之文

地理志曰安帝更名安

平

案安帝近刻訛作順帝

應劭曰甘陵西北十七里有信鄉故

縣也屯氏故瀆又東逕甘陵縣故城北又東逕靈縣

北又東北逕鄒縣與鳴犢河故瀆合上承大河故瀆

于靈縣南

案此四十二字原本及近刻竝訛作經

地理志曰河水自靈

縣別出為鳴犢河者也東北逕靈縣東入郟縣而

北合屯氏瀆屯氏瀆兼鳴犢之稱也又東逕郟縣故

城北東北合大河故瀆謂之鳴犢口

案近刻脫鳴犢二字注內故屯

氏河終于此

十三州志曰鳴犢河東北至脩入屯氏考瀆

則不至也

案此六十六字原本訛作經近刻截上東北逕靈縣東入郟縣而北合屯氏瀆十

六字訛作經餘仍屬注文

又東北過衛縣南

案近刻作又東北右過衛國縣南

又東北過濮陽縣

北瓠子河出焉

河水東逕鐵丘南

案此七字原本及近刻竝訛作經今考鐵丘戚竝值長壽津東濮陽

衛國兩縣之西南乃

注文不得與經相紊

春秋左氏傳哀公二年鄭罙達

帥師郵無恤御簡子衛太子為右登鐵上

案近刻訛作丘望

見鄭師衛太子自投車下即此處也京相璠曰鐵丘

名也杜預曰在戚南河之北岸有古城

案近刻訛作目城戚

邑也東城有子路冢

案近刻脫東城二字戚邑上衍城字

河之西岸有

竿城郡國志曰衛縣有竿城者也河南有龍淵宮武

帝元光中河決濮陽汜郡十六發卒十萬人塞決河

起龍淵宮蓋武帝起宮于決河之傍龍淵之側故曰

龍淵宮也河水東北流而逕濮陽縣北為濮陽津

案此

十五字原本及近刻竝訛作經今考經次濮陽在衛縣下于地望踈舛故注正其失故城在南

與衛縣分水域北十里有瓠河口有金隄宣房堰

案近

刻訛作堰粵在漢世河決金隄涿郡王尊案近刻訛作遵下同自徐

州刺史遷東郡太守河水盛溢泛浸瓠子金隄決壞

尊躬率民吏投沈白馬祈水神河伯親執圭璧請身

填隄廬居其上民吏皆走

案近刻作
吏民皆走

尊立不動而水

波齊足而止公私壯其勇節河水又東北逕衛國縣

南東為郭口津河水又東逕郵城縣北

案此二十四
字原本及近

刻並訛
作經

故城在河南十八里王莽之郵良也沅州舊

治魏武創業始自于此河上之邑最為峻固晉八王

故事曰東海王越治郵城城無故自壞七十餘丈越

惡之移治濮陽城南有魏使持節征西將軍太尉方

城侯鄧艾廟廟南有艾碑秦建元十二年廣武將軍

沅州刺史關內侯安定彭超立河之南岸有新城宋

寧朔將軍王玄謨前鋒入河所築也北岸有新臺鴻

基層廣高數丈衛宣公所築新臺矣詩齊姜所賦也

為盧關津案盧近刻訛作盧臺東有小城崎嶇頽側臺址枕

河案近刻脫址字俗謂之邸閣城案近刻訛作俗為之底閣城疑故關津

都尉治也所未詳矣河水又東北逕范縣之秦亭西

案此十二字原本及近刻竝訛作經春秋經書築臺于秦者也河水又

東北逕委粟津案此九字原本及近刻竝訛作經大河之北即東武

陽縣也左會浮水故瀆

案此六字原本及近刻竝訛作經

故瀆上承

大河于頓丘縣而北出東逕繁陽縣故城南

案此下近刻有

故字應劭曰縣在繁水之陽張晏曰縣有繁淵春秋襄

公二十年經書公與晉侯齊侯盟于澶淵杜預曰在

頓丘縣南今名繁淵澶淵即繁淵也亦謂之浮水焉

昔魏徙大梁趙以中牟易魏故志曰趙南至浮水繁

陽即是瀆也故瀆東絕大河故瀆東逕五鹿之野

案此

十四字原本及近刻竝訛作經今考以下皆注內敘浮水所逕

晉文公受塊于野人

即此處矣京相璠曰今衛縣西北三十里

案衛下近刻衍國字

有五鹿城

案近刻訛作地

今屬頓丘縣浮水故瀆又東南逕

衛國邑城北

案此十三字原本及近刻竝截上十一字訛作經下二字仍為注

故衛

公國也漢光武以封周後也又東逕衛國縣故城南

古斟觀

案此十二字原本及近刻竝訛作經

應劭曰夏有觀扈即此城

也竹書紀年梁惠成王二年齊田壽率師伐我

案近刻訛

作圍觀觀降浮水故瀆又東逕河牧城而東北出

案此

十四字原本及近刻竝訛作經

郡國志曰衛本觀故國姚姓

案近刻訛作衛

故觀國
姚姓

有河牧城又東北入東武陽縣東入河

案此十一

字原本及近刻竝訛作經今考注內敘浮水終于此

又有漂水出焉

案此六字亦訛作經

戴延之謂之武水也

案水字近刻訛作陽又後注內漂水注之下九十八字原本重

見于此

河水又東逕武陽縣東范縣西而東北流也

案此

十七字原本及近刻竝訛作經

又東北過東阿縣北

河水于范縣東北流為倉亭津

案此十二字原本及近刻竝訛作經今考

倉亭津及柯澤皆值東阿西南乃注文不得與經紊

述征記曰倉亭津在范縣

界去東阿六十里魏土地記曰津在武陽縣東北七

十里津河濟名也河水右歷柯澤

案此六字原本及近刻竝訛作經

春秋左傳襄公十四年衛孫文子敗公徒于阿澤者

也又東北逕東阿縣故城西而東北出流注

案此十六字原

本及近刻竝訛作經近刻脫又東北三字

河水枝津東出謂之鄧里渠也

又東北過荏平縣西

河自鄧里渠東北逕昌鄉亭北又東北逕礪礪城西

案此二十字原本及近刻竝訛作經

述征記曰礪礪津名也自黃河泛

舟而渡者皆為津也其城臨水西南崩于河宋元嘉

二十七年以王玄謨為寧朔將軍前鋒入河平礪礪

守之都督劉義恭以沙城不堪守召玄謨令毀城而

還後更城之

案更近刻訛作登

魏立濟州治此也河水衝其

西南隅又崩于河即故荏平縣也應劭曰荏山名也

縣在山之平地

案近刻訛作陸

故曰荏平也王莽之功崇矣

經曰大河在其西鄧里渠歷其東

案水經瓠子河章云東北過荏平縣

東為鄧里渠即此所引

即斯邑也昔石勒之隸師懽屯耕于荏

平聞鼓角鞞鐸之聲于是縣也西與聊城分河

案近刻西

訛作而聊訛作柳

河水又東北與鄧里渠合水上承大河于

東阿縣西東逕東阿縣故城北

案此二十八字原本及近刻竝訛作經

故衛邑也應仲瑗曰有西故稱東魏封曹植為王國

大城北門內西側阜上有大井其巨若輪深六七丈

歲嘗煮膠以貢天府本草所謂阿膠也故世俗有阿

井之名縣出佳繒縑故史記云秦昭王服太阿之劍

阿縞之衣也又東北逕臨邑縣與將渠合又北逕荏

平縣東臨邑縣故城西北流入于河河水又東北流

逕四瀆津

案此三十九字原本及近刻竝訛作經

津西側岸臨河有四

瀆祠東對四瀆口河水東分濟亦曰濟水受河也然

榮口石門水斷不通

案原本及近刻竝訛作榮口水右斷門不通今據濟水注內有

榮口石門訂正

始自是出東北流逕九里與清水合故濟瀆

也

案故近刻訛作故

自河入濟自濟入淮自淮達江水徑周

通故有四瀆之名也昔趙殺鳴犢仲尼臨河而歎自

是而返曰丘之不濟命也夫琴操以為孔子臨狄水

而歌矣曰

案近刻脫矣
字曰作云

狄水衍兮風揚波船楫顛倒

更相加余按臨濟故狄也是濟所逕得其通稱也

案也

字近刻在
逕字下

河水又逕楊墟縣之故城東俗猶謂是城

曰陽城矣河水又逕荏平城東疑縣徙也

案今本脫
此四字考

上文以鴈礮城為荏平縣至是又
有荏平城故道元疑縣嘗徙此

城內有故臺世謂

之時平城非也蓋荏時音相近耳

又東北過高唐縣東

案原本及近刻並作縣界蓋後人
所改今考下注云大河又東北逕

高唐縣故城西經言出東誤耳
可證經本作東故注持辯之

河水于縣漯水注之地理志曰漯水出東武陽今漯水上承河水于武陽縣東南西北逕武陽新城東曹操為東郡所治也引水自東門石竇北注于堂池池南故基尚存城內有一石甚大城西門名冰井門門內曲中冰井猶存門外有故臺號武陽臺而臺亦有

隅雉遺迹

案此九十六字原本又見前戴延之謂之武水也下近刻刪此存彼考下文水自城

東北逕東武陽縣故城南所謂自城者承上武陽新城也若徑接漯水注之則漯注河在高唐縣水自城三字不可通矣然則九十六字本應繫
之水于此後人妄移前耳今存此刪彼
水自城東北

逕東武陽縣故城南應劭曰縣在武水之陽王莽之
武昌也然則漯水亦或武水矣臧洪為東郡太守治
此曹操圍張超于雍丘洪以情義請袁紹救之不許
洪與紹絕紹圍洪城中無食洪呼吏士曰洪于大義
不得不死諸君無事空與此禍

柴與近
刻作受

衆泣曰何忍

捨明府也男女八千餘人相枕而死洪不屈紹殺洪
邑人陳容為丞謂曰寧與臧洪同日死不與將軍同
日生紹又殺之士為傷歎今城四周紹圍郭尚存水

市隍墜于城東北合為一瀆東北出郭逕陽平縣之

岡成城西

案原本及近刻並脫成字據後漢書補

郡國志曰陽平縣有

岡成亭

案成近刻訛作城

又北逕陽平縣故城東漢昭帝元

平元年封丞相蔡義為侯國漯水又北絕莘道城之

西北有莘亭春秋桓公十六年衛宣公使伋使諸齊

令盜待于莘伋壽繼殞于此亭京相璠曰今平原陽

平縣北十里

案平原近刻訛作平陽

有故莘亭

案此下近刻衍道字

阨限

蹊要自衛適齊之道也望新臺于河上感二子于風

齡詩人乘舟誠可悲矣今縣東有二子廟猶謂之為

孝祠矣

案近刻脫為字

漯水又東北逕樂平縣故城東縣故

清也漢高帝八年封室中同于清

案近刻室訛作室脫同字

宣帝

封許廣漢少弟翁孫于樂平竝為侯國王莽之清治

矣漢章帝建初中

案初近刻訛作始

更從今名也漯水又北

逕聊城縣故城西城內有金城周而有水南門有馳

道絕水南出自外泛舟而行矣東門側有層臺秀出

雲表

案近刻脫此二字

魯仲連所謂還高唐之兵卻聊城之

衆者也。漯水又東北逕清河縣故城北。

案此十二字原本及近刻

竝訛作經。今考以下皆注內叙漯水所逕。

地理風俗記曰：甘陵故清河清

河在南十七里。今于甘陵縣故城東南無城以擬之。

直東二十里有艾亭城。東南四十里有此城，擬即清

河城也。後蠻居之，故世稱蠻城也。漯水又東北逕文

鄉城東南，又東北逕博平縣故城南。

案此二十一字原本及近刻竝

截上十八字訛作經下三字仍為注

城內有層臺，秀上

案近刻脫城內二字

王莽

改之曰加睦也。右與黃溝同注川澤

案此八字原本及近刻竝訛作

經黃溝承聊城郭水水泛則津注水耗則輟流自城

東北出逕清河城南又東北逕攝城北春秋所謂聊攝以東也俗稱郭城非也城東西三里南北二里東西隅有金城城卑下墟郭尚存左右多墳壠京相璠曰聊城縣東北三十里有故攝城今此城西去聊城二十五六里許即攝城者也又東逕文鄉城北又東

南逕王城北

案此十四字原本及近刻並訛作經今考上下文乃注內敘黃溝所逕

魏

太常七年安平王鎮平原所築世謂之王城太和二

十三年罷鎮立平原郡治此城也黃溝又東北流左

與漯水隱覆勢鎮河陸東出于高唐縣大河右迤東

注漯水矣

案此三十一字原本及近刻竝訛作經

桑欽地理志曰漯水

出高唐余按竹書穆天子傳稱丁卯天子自五鹿東

征釣于漯水以祭淑人是曰祭丘己巳天子東征食

馬于漯水之上尋其沿歷逕趣不得近出高唐也桑

氏所言蓋津流所出

案近刻脫所字

次于是間也

案近刻是訛作所

俗以是水上承于河亦謂之源河矣漯水又東北逕

援縣故城西

案此十一字原本及近刻竝訛作經

王莽之東順亭也杜

預釋地曰濟南祝阿縣西北有援城漯水又東北逕

高唐縣故城東

案此十二字原本及近刻竝訛作經

昔齊威王使盼子

守高唐

案盼近刻訛作盼

趙人不敢漁于河即魯仲連子謂

田巴曰今楚軍南陽趙伐高唐者也春秋左傳哀公

十年趙鞅帥師伐齊取犁及轅

案犁近刻訛作黎下同

毀高唐

之郭杜預曰轅即援也祝阿縣西北有高唐城漯水

又東北逕漯陰縣故城北

案此十二字原本及近刻竝訛作經

縣故犁

邑也漢武帝元光三年封匈奴降王王莽更名翼成

歷北漂陰城南伏琛謂之漂陽城南有魏沈州刺史

劉岱碑地理風俗記曰平原漂陰縣今巨漂亭是也

漂水又東北逕著縣故城南又東北逕崔氏城北

案此

十九字原本及近刻竝訛作經春秋左傳襄公二十七年崔成請老

于崔者也

案近刻脫于字崔下衍氏字

杜預釋地曰濟南東朝陽

縣西北有崔氏城漂水又東北逕東朝陽縣故城南

案此十三字原本及近刻竝訛作經漢高帝七年

案近刻訛作六年

封都尉宰

寄為侯國

案宰近刻
訛作華

地理風俗記曰南陽有朝陽縣

故加東地理志曰王莽之脩治也漂水又東逕漢徵

君伏生墓南

案此十二字原本
及近刻竝訛作經

碑碣尚存以明經為

秦博士秦坑儒士伏生隱焉漢興教于齊魯之間撰

五經尚書大傳文帝安車徵之

案文帝二字近
刻訛在撰字上

年老

不行乃使掌故歐陽生等受尚書于徵君號曰伏生

者也漂水又東逕鄒平縣故城北

案此十一字原本
及近刻竝訛作經

古鄒侯國

案古近刻
訛作有

舜後姚姓也又東北逕東鄒城

北

案此八字原本及近刻竝訛作經

地理志

案志下近刻衍曰字

千乘郡有東

鄒縣漯水又東北逕建信縣故城北

案此十二字原本及近刻竝訛

作經

漢高帝七年封婁敬為侯國應劭曰臨濟縣西北

五十里有建信城

案信下近刻衍侯字

都尉治故城者也漯水

又東北逕千乘縣二城間

案此十二字原本及近刻竝訛作經

漢高帝

六年以為千乘郡王莽之建信也章帝建初四年為

王國和帝永元七年改為樂安郡故齊地

案近刻訛作也伏

琛曰千乘城在齊城西北百五十里

案近刻脫在字

隔會水

即潔水之別名也又東北為馬常坑

案此七字原本及近刻竝訛作

經

坑東西八十里南北三十里亂河枝流而入于海

案注內敘潔

水終于此

河海之饒茲焉為最地理風俗記曰潔

水東北至千乘入海河盛則通津委海水耗則微涓
絕流書浮于濟潔亦是水者也

又東北過楊虛縣東商河出焉

案楊虛今漢書地理志訛作樓虛功臣表同惟

王子侯表仍作楊虛又河先逕楊虛乃至高唐經次楊
虛于高唐後非也注就高唐下附記潔水至此經之後

始敘
河流

地理志楊虛平原之隸縣也漢文帝四年

案文近刻訛作景

以封齊悼惠王子將閭為侯國也

案閭近刻訛作廬

城在高

唐城之西南經次于此是不比也商河首受河水

案近

刻脫水字

亦漯水及澤水所潭也

案潭下近刻衍水字

淵而不流世

謂之清水自此雖沙漲填塞厥迹尚存歷澤而北俗

謂之落里坑逕張公城西又北重源潛發

案此下近刻有世謂

之落里坑六字係衍文

亦曰小漳河商漳聲相近故字與讀移

耳商河又北逕平原縣東又逕安德縣故城南又東

北逕平昌縣故城南

案平昌原本及近刻竝訛作昌平據漢書改正

又東逕

般縣故城南又東逕樂陵縣故城南

案此四十四字原本及近刻竝

訛作經今考以下皆注內敘商河所逕

漢宣帝地節四年封侍中史子

長為侯國商河又東逕枋縣故城南

案此十字原本及近刻竝訛作

經近刻枋訛作初下同

高后八年封齊悼惠王子劉辟光為侯

國王莽更之曰張鄉應劭曰般縣東南六十里有枋

鄉城故縣也沙溝水注之

案此五字原本及近刻竝訛作經

水南出

大河之陽泉源之不合河者二百步其水北流注商

河商河又東北流逕馬嶺城西北屈而東注南轉逕

城東

案此二十一字原本及近刻竝訛作經

城在河曲之中東海王越

斬汲桑于是城商河又東北逕富平縣故城北

案此十二

字原本及近

刻竝訛作經

地理志曰侯國也王莽曰樂安亭

案近刻訛

作安

應劭曰明帝更名厭次

案近刻脫此二字

闕駟曰厭次

縣本富平侯車騎將軍張安世之封邑

案侯近刻訛作矣

非

也按漢書昭帝元鳳六年封右將軍張安世為富平

侯薨子延壽嗣國在陳留別邑在魏郡

案近刻脫在字

陳留

風俗傳曰陳留尉氏縣安陵鄉故富平縣也是乃安
世所食矣歲入租千餘萬延壽自以身無功德何堪
久居先人大國上書請減戶

案近刻
脫請字

天子以為有讓

徙封平原并食一邑戶口如故而稅減半十三州志

曰明帝永平五年改曰厭次矣按史記高祖功臣侯
者年表高帝六年封元頃為侯國徐廣音義曰漢書

作爰類

案作下近
刻衍侯字

是知厭次舊名非始明帝蓋復故

耳縣西有東方朔冢冢側有祠

案近刻脫
一冢字

祠有神驗

水側有雲城漢武帝元封四年封齊孝王子劉信為

侯國也商河又分為二水南水謂之長叢溝

案此十四字原

本及近刻並訛作經

東流傾注于海

案于近刻訛作為

溝南海側有蒲

臺臺高八丈方二百步三齊略記曰鬲城東南有蒲

臺秦始皇東遊海上于臺上蟠蒲繫馬至今每歲蒲

生

案近刻脫每字

縈委若有繫狀似水楊可以為箭今東去

海三十里北水世又謂之百薄瀆

案此九字原本及近刻並訛作經百

訛作白

東北流注于海水矣

案注內敘商河終于此

大河又東北

逕高唐縣故城西

案此十二字原本及近刻竝訛作經今考經敘河水云又東北過高

唐縣東已見前此條注文正經之失

春秋左傳襄公十九年齊靈公廢

太子光而立公子牙以夙沙衛為少傅齊侯卒崔杼

逆光光立殺公子牙于句瀆之丘衛奔高唐以叛京

相璠曰本平原縣也齊之西鄙也大河逕其西而不

出其東經言出東誤耳

案此辯前經文過高唐縣東之失

大河又北

逕張公城臨側河湑

案此十二字原本及近刻竝訛作經

魏青州刺史

張治此

案張某脫其名

故世謂之張公城水有津焉名之曰

張公渡河水又北逕平原縣故城東

案此十一字原本及近刻並訛

作經

地理風俗記曰原博平也故曰平原矣縣故平原

郡治矣漢高帝六年置王莽改曰河平也晉灼曰齊

西有平原

案此下近刻衍河字

河水東北過高唐

案近刻作河水北過高唐

縣

高唐即平原也

案近刻脫高唐二字

故經言河水逕高唐縣

東

案此明河水逕高唐縣西平原縣東而經云過高唐縣東者由誤以平原為高唐

非也按

地理志曰

案原本及近刻此下有高唐平原也五字係複上行文地理志無是語

高唐

漯水所出平原則篤馬河導焉明平原非高唐大河

不得出其東審矣大河右溢世謂之甘棗溝

案此十
字原本

及近刻竝
訛作經

水側多棗故俗取名焉河盛則委泛水耗

則輟流故溝又東北歷長隄逕漂陰縣北

案此十三
字原本及

近刻竝訛作經溝訛作

清漂訛作温今改正東逕著城北東為陂淀淵潭

相接世謂之穢野薄河水又東北逕阿陽縣故城西

案此十二字原本及近刻竝訛作
經又阿陽近刻訛作陽阿下同

漢高帝六年封郎

中萬訢為侯國應劭曰漂陰縣東南五十里有阿陽

鄉故縣也

又東北過漂陽縣北

案陽近刻訛作陰

河水自平原左逕安德城東而北為鹿角津東北逕

般縣樂陵初鄉至厭次縣故城南為厭次河

案此三十七字

原本及近刻

並訛作經

漢安帝永初二年劇賊畢豪等數百

案

近刻訛作

毫下同

乘船寇平原縣令劉雄門下小吏所輔浮

舟追至厭次津與賊合戰竝為賊擒求代雄豪縱雄

于此津所輔可謂孝盡愛敬義極君臣矣河水右逕

漂陰縣故城北

案此十字原本及近刻竝訛作經

王莽之巨武縣也

河水又東北為漯沃津

案此九字原本及近刻竝訛作經

在漯沃縣

故城南

案近刻脫在字

王莽之延亭者也地理風俗記曰千

乘縣西北五十里有大河河北有漯沃城故縣也魏

改為後部亭今俗遂名之曰右輔城河水又東逕千

乘城北

案此九字原本及近刻竝訛作經

伏琛之所謂千乘北城者

也

又東北過利縣北

案利縣原本及近刻竝訛作黎城縣考濟水章經文云東北過利縣西又

東北過甲下邑入于河可證此經訛舛今改正

又東北過甲下邑濟水從西來

注之又東北入于海

河水又東分為二水枝津東逕甲下城南東南歷馬

常坑注濟

案此二十四字原本及近刻竝訛作經

經言濟水注河非也

案此二字原本及近刻竝訛在倉子城下考濟水注云又東北河水枝津注之水經以為入河非也斯乃河水注濟非濟入河其文與此注互相發明河水自枝津東北流逕甲下

邑北世謂之倉子城又東北流入于海

案此即濟水注所謂河水

于濟漯之北別流注海者是也

淮南子曰九折注于海而流不絕者

崑崙之輸也尚書禹貢曰夾右碣石入于河山海經

曰碣石之山繩水出焉東流注于河河之入海舊在

碣石今川流所導

案所近刻訛作可

非禹瀆也周定王五年

河徙故瀆故班固曰商竭周移也

案竭近刻訛作碣

又以漢

武帝元光二年河又徙東郡更注渤海是以漢司空

掾王瓚言曰往者天嘗連雨東北風

案近刻作往昔天嘗連北風

海水溢西南出侵數百里故張折云

案折近刻作君

碣石在

海中蓋淪于海水也昔燕齊遼曠分置營州今城屈

海濱海水北侵城垂淪者半王瓚之言信而有徵碣

石入海非無證矣



水經注卷五



總校官庶吉士臣張能照

校對官庶吉士臣嚴福

謄錄監生臣顧振

欽定四庫全書蒼會要

史部

水經注卷六
七

詳校官編修臣繆晉



欽定四庫全書蒼要卷七千六百十七

史部

水經注卷六

後魏 酈道元 撰

汾水 澮水 涑水 文水

原公水 洞過水 晉水 湛水

汾水出太原汾陽縣北管涔山

山海經曰北次二經之首在河之東其首枕汾

案近刻其

下衍東字汾字
下有其名二字
曰管涔之山其上無木而下多玉

案山

海經作其上無木而多草其下多玉

汾水出焉西流注于河

案西近刻訛作而

十三州志曰出武州之燕京山亦管涔之異名也其

山重阜脩巖有草無木泉源導于南麓之下蓋稚水

濛流耳又西南夾岸連山聯峯接勢劉淵族子曜嘗

隱避于管涔之山

案避近刻作居

夜中忽有二童子入跪曰

管涔王使小臣奉謁趙皇帝獻劔一口置前再拜而

去以燭視之劔長二尺光澤非常背有銘曰神劔御

案御上近刻有服字

除衆毒曜遂服之劔隨時變為五色也後

曜遂為胡王矣汾水又南與東西溫溪合水出左右

近溪

案近刻脫左字

聲流翼注水上雜樹交蔭雲垂煙接自

是水流潭漲波襄轉泛又南逕一城東憑墉積石側

枕汾水俗謂之代城

案此下近刻重一城字

又南出二城間其

城角倚翼枕汾流世謂之侯莫干城蓋語出戎方傳

呼失實也汾水又南逕汾陽縣故城東川土寬平垣

山夷水地理志曰

案近刻作故地理志衍故字脫曰字

汾水出汾陽縣

北山西南流者也漢高帝十一年封靳彊為侯國後

立屯農積粟在斯謂之羊腸倉山有羊腸坂在晉陽

西北石墜縈行

案近刻作縈委

若羊腸焉故倉坂取名矣漢

永平中治呼沱石臼河按司馬彪後漢郡國志常山

南行唐縣有石臼谷

案此十九字亦注內之小注

蓋資承呼沱之

水轉山東之漕

案近刻資承訛作咨無漕訛作費

自都慮至羊腸倉

案慮近刻訛作虛

將憑汾水以漕太原用寶秦晉苦役連年

轉運所經凡三百八十九隘

案三近刻訛作二

死者無算拜

鄧訓為謁者監護水功訓隱括知其難立具言肅宗

肅宗從之全活數千人和熹鄧后之立

案熹近刻訛作熹叔

父陔以為訓積善所致也

案原本及近刻並脫陔字今據後漢書補

羊腸

即此倉也又南逕秀容城東

案近刻脫此七字

魏土地記曰

秀容胡人徙居之立秀容護軍治東去汾水六十里

案汾近刻訛作汾

南與酸水合水源西出少陽之山東南流

注于汾水汾水又南出山東南流洛陰水注之水出

新興郡西流逕洛陰城北又西逕孟縣故城南春秋

左傳昭公二十八年分祁氏七縣為大夫之邑以孟

丙為孟大夫洛陰水又西

案近刻脫洛陰二字

逕狼孟縣故城

南王莽之狼調也左右夾澗幽深南面大壑俗謂之狼馬澗舊斷澗為城有南北門門闔故壁尚在洛陰水又西南逕陽曲城北魏土地記曰陽曲胡寄居太原界置陽曲護軍治其水西南流注于汾水汾水又南逕陽曲城西南注也

東南過晉陽縣東晉水從縣南東流注之

案近刻南字訛在東字下

太原郡治晉陽城秦莊襄王三年立

案莊近刻訛作昭

尚書

所謂既脩太原者也春秋說題辭曰高平曰太原原
端也平而有度廣雅曰大鹵太原也釋名曰地不生
物曰鹵鹵鑪也

案近刻鑪訛作盧
脫一鹵字及也字

穀梁傳曰中國曰

太原夷狄曰太鹵尚書大傳曰東原底平大而高平
者謂之太原郡取稱焉魏土地記曰城東有汾水南
流水東有晉使持節都督并州諸軍事鎮北將軍太
原成王之碑水上舊有梁青荊殞于梁下

案青荊近
刻訛作清

游
豫讓死于津側亦襄子解衣之所在也汾水西逕

晉陽城南舊有介子推祠祠前有碑廟宇傾頽惟單
碑獨存矣今文字剝落無可尋也

又南洞過水從東來注之

案過近刻
作渦下同

汾水又南逕梗陽縣故城東故榆次之梗陽鄉也

案鄉

近刻訛
作縣

魏獻子以邑大夫魏戊也京相璠曰梗陽晉

邑也今太原晉陽縣南六十里榆次界有梗陽城

案近

刻訛
作地

汾水又南即洞過水會者也

又南過大陵縣東

昔趙武靈王遊大陵夢處女鼓琴而歌想見其人吳
廣進孟姚焉即于此縣也王莽改曰大寧矣汾水于

縣左迤為鄔澤廣雅曰水自汾出為汾陂其陂東西
四里南北十餘里陂南接鄔地理志曰九澤在北并

州藪也呂氏春秋謂之大陸又名之曰漚澗之澤俗

謂之鄔城泊

案近刻
脫泊字

許慎說文曰馮水出西河中陽

縣北沙

案近刻
作之西

南入河即此水也馮水又會嬰侯之

水山海經稱謁戾之山嬰侯之水出于其陰北流注

于祀水

案祀近刻訛
作汜下同

水出祀山其水殊源共舍

案近刻訛

合作其

注于嬰侯之水亂流逕中都縣南俗又謂之中

都水侯甲水注之水發源祁縣胡甲山

案近刻源訛
作原祁訛作

平有長坂謂之胡甲嶺即劉歆遂初賦所謂越侯甲

而長驅者也蔡邕曰侯甲亦邑名也在祁縣侯甲水

又西北歷宜歲郊逕太谷謂之太谷水出谷西北流

逕祁縣故城南自縣連延西接鄔澤是為祁藪也即

爾雅所謂昭餘祁矣賈辛邑也辛貌醜妻不為言與

之如臯射雉雙中之則笑也

案左傳魏子引叔向稱
賈大夫事杜預云賈國

之大夫是也此
誤以為賈辛

王莽之示縣也又西逕京陵縣故城

北王莽更名曰致城矣于春秋為九原之地也故國
語曰趙文子與叔向遊于九原曰死者若可作也吾
誰與歸叔向曰其陽子乎文子曰夫陽子行并植于
晉國不免其身智不足稱叔向曰其舅犯乎文子曰
夫舅犯見利不顧其君仁不足稱
案近刻脫此
二十三字 吾其
隨會乎納諫不忘其師言身不失其友事君不援而

進不阿而退

案近刻脫此十六字

其故京尚存

案故字近刻訛在其字上

漢

興增陵于其下故曰京陵焉侯甲水又西北逕中都

縣故城南城臨際水澗

案城臨近刻訛作臨城

春秋昭公二年

晉侯執陳無宇于中都者也漢文帝為代王都此武

帝元封四年上幸中都宮殿上見光赦中都死罪以

下侯甲水又西合于嬰侯之水逕鄆縣故城南晉大

夫司馬彌牟之邑也謂之鄆水俗亦曰慮水慮鄆聲

相近故因變焉又西北入鄆陂而歸于汾流矣

又南過平陶縣東文水從西來流注之

汾水又南與石桐水合即綿水也水出界休縣之綿山北流逕石桐寺西即介子推之祠也昔子推逃晉文公之賞而隱于綿上之山也晉文公求之不得乃封綿為介子推田曰以志吾過且旌善人因名斯山為介山故袁山松郡國志曰界休縣有介山綿上聚子推廟王肅喪服要記曰昔魯哀公祖載其父孔子問曰寧設桂樹乎哀公曰不也桂樹者起于介子推

子推晉之人也文公有內難出國之狄子推隨其行
割肉以續軍糧後文公復國忽忘子推子推奉唱而
歌文公始悟當受爵祿子推奔介山抱木而燒死國
人葬之恐其神魂實于地

案賈近刻
訛作賈

故作桂樹焉吾

父生于宮殿死于枕席何用桂樹為余按夫子尚非
璠璣送葬安能問桂樹為禮乎王肅此證近于誣矣
石桐水又西流注于汾水汾水又西南逕界休縣故
城西王莽更名之曰界美矣城東有徵士郭林宗宋

子浚二碑宋沖以有道司徒徵

案此句有脫誤未詳

林宗縣人

也

案近刻脫人字

辟司徒舉太尉以疾辭其碑文云將蹈洪

崖之遐迹紹巢由之逸軌翔區外以舒翼超天衢以

高峙稟命不融享年四十有二

案近刻作三

建寧二年

案近

刻訛作四年

正月丁亥卒凡我四方同好之人永懷哀痛

乃樹碑表墓昭銘景行云陳留蔡伯喈范陽盧子幹

扶風馬日磾等遠來奔喪持朋友服

案近刻脫持字

心喪甚

年者如韓子助宋子浚等二十四人其餘門人著錫

哀者千數

案此下近刻衍其碑文故四字

蔡伯喈謂盧子幹馬日碑

曰吾為天下碑文多矣皆有慙容惟郭有道無愧于

色矣汾水之右有左部城側臨汾水蓋劉淵為晉都尉所築也

又南過冠爵津

汾津名也在界休縣之西南俗謂之雀鼠谷數十里間道險隘水左右悉結偏梁閣道累石就路縈帶巖側或去水一丈或高五六尺

案近刻脫水字五字尺訛作丈

上戴山

阜下臨絕澗俗謂之為魯般橋蓋通古之津隘矣亦
在今之地險也

又南入河東界又南過永安縣西

故彘縣也周厲王流于彘即此城也王莽更名黃城
漢順帝陽嘉三年改曰永安縣霍伯之都也

歷唐城東

案此四字原本及近刻竝誤入注內接霍伯之都也下以體例考之乃經之書法與注異

正 今改

薛瓚注漢書云堯所都也東去彘十里汾水又南

案近

刻訛作
又東

與滌水合水出東北太岳山禹貢所謂岳陽

也即霍太山矣上有飛廉墓飛廉以善走事紂惡來

多力見知周武王伐紂

案近刻
脫武字

兼殺惡來飛廉先為

紂使北方還無所報乃壇于霍太山而致命焉得石

棺銘曰帝令處父不與殷亂賜汝石棺以葬死遂以

葬焉霍太山有岳廟甚靈鳥雀不棲其林猛虎常

守其庭又有靈泉以供祭祀

案近刻
作事

鼓動則泉流聲

絕則水竭湘東陰山縣有侯曇山上有靈壇壇前有

石井深數尺居常無水及臨祈禱則甘泉湧出周用則已亦其比也彘水又西流逕觀阜北故百邑也原過之從襄子也受竹書于王澤以告襄子襄子齋三日親自剖竹有朱書曰余霍太山山陽侯天使也三月丙戌余將使汝反滅智氏汝亦立我于百邑襄子拜受三神之命遂滅智氏祠三神于百邑使原過主之世謂其處為觀阜也彘水又西流逕永安縣故城南西南流注于汾水汾水又南逕霍城東故霍國也

昔晉獻公滅霍趙夙為御霍公求奔齊

案霍公求近刻作霍哀公

下晉國大旱卜之曰霍太山為祟使趙夙召霍君奉

祀晉復穰蓋霍公求之故居也汾水又逕趙城西南
穆王以封造父趙氏自此始也汾水又南霍水入焉
水出霍太山發源成潭漲七十步而不測其深西南
逕趙城南西流注于汾水

又南過楊縣東

澗水東出穀遠縣西山西南逕霍山南又西逕楊縣

故城北

案楊縣二字近刻訛在霍字上

晉大夫僚安之邑也

案僚安近刻訛

作僚公去安

應劭曰故楊侯國王莽更名有年亭也其水

西流入于汾水汾水逕楊城西不于東矣魏土地記曰平陽郡治楊縣郡西有汾水南流者是也

西南過高梁邑西

黑水出黑山西逕楊城南又西與巢山水會山海經曰牛首之山勞水出焉西流注于滴水疑是水也滴水即巢山之水也水源東南出巢山東谷北逕浮山

東又西北流與勞水合亂流西北逕高梁城北西流
入于汾水分水又南逕高梁故城西故高梁之墟也

春秋僖公二十四年秦穆公納公子重耳于晉害懷

公于此竹書紀年晉出公十三年

案近刻訛
作三十年

智伯瑤

城高梁漢高帝十二年以為侯國封恭侯酈疥于斯

邑也

案疥近刻
訛作介

又南過平陽縣東

汾水又南逕白馬城西魏刑白馬而築之故世謂之

白馬城今平陽郡治汾水又南逕平陽縣故城東晉大夫趙鼂之故邑也應劭曰縣在平河之陽堯舜竝都之也竹書紀年晉烈公元年韓武子都平陽漢昭帝封度遼將軍范明友為侯國王莽之香平也魏立

平陽郡

案魏近刻訛作晉

治此矣水側有堯廟廟前有碑魏

土地記曰平陽城東十里汾水東原上有小臺臺上有堯神屋石碑永嘉三年劉淵徙平陽于汾水得白玉印方四寸高二寸二分龍紐其文曰有新寶之印

王莽所造也淵以為天授改永鳳二年為河瑞元年

汾水南與平水合

案平水近刻訛作平陽

水出平陽縣西壺口

山

案近刻脫縣字

尚書所謂壺口治梁及岐也其水東逕狐

谷亭北春秋時狄侵晉取狐廚者也又東逕平陽城

南東入汾俗以為晉水非也汾水又南歷襄陵縣故

城西晉大夫卻犂之邑也故其地有犂氏鄉亭矣西

北有晉襄公陵

案近刻脫此七字

縣蓋即陵以命氏也

案命近刻

作名王莽更名曰幹昌矣

又南過臨汾縣東

天井水出東陘山西南北有長嶺嶺上東西有通道

即鉏陞也穆天子傳曰乙酉天子西絕鉏陞西南至

監是也

案監近刻訛作鹽

其水三泉竒發西北流總成一川

西逕堯城南又西流入汾

案流字近刻訛作南

又屈從縣南西流

汾水又逕絳縣故城北竹書紀年梁武王二十五年

案朱謀瑋云當

作梁惠成王

絳中地埽西絕于汾汾水西逕虢祁

宮北橫水有故梁截汾水中凡有三十柱柱徑五尺

栽與水平蓋晉平公之故梁也物在水故能持久而

不敗也又西逕魏正平郡南故東雍州治

案近刻脫雍字

太

和中皇都徙洛罷州立郡矣又西逕王澤

案原本訛作王橋近

刻訛作正橋考原過受竹書于王澤即此地今改正

澮水入焉

又西過長脩縣南

汾水又西與古水合水出臨汾縣故城西黃阜下其

大若輪西南流故溝橫出焉

案溝橫近刻訛作橫溝

東注于汾

今無水又西南逕魏正平郡北又西逕荀城東古荀國也汲郡古文晉武公滅荀以賜大夫原氏也古水又西南入于汾汾水又西南逕長脩縣故城南漢高帝十一年以為侯國封杜恬也

案杜近刻訛作莊

有脩水出

縣南而西南流入汾汾水又西逕清原城北故清陽亭也城北有清原晉侯蒐清原作三軍處也汾水又逕冀亭南昔白季使過冀野見郤缺耨其妻饁之相敬如賓言之文公文公命之為卿復與之冀京相璠

曰今河東皮氏縣有冀亭古之冀國所都也杜預釋

地曰平陽皮氏縣東北有冀亭即此亭也汾水又西

與華水合水出北山華谷西南流逕一故城西俗謂

之梗陽城非也梗陽在榆次不在此按故漢上谷長

史侯相碑云侯氏出自倉頡之後踰殷歷周

案歷近
刻訛作

立各以氏分或著楚魏或顯齊秦晉卿士為斯其曹

也食采華陽今蒲坂北亭即是城也其水西南流注

于汾汾水又逕稷山北在水南四十許里山東西二

十里南北三十里高十三里西去介山十五里山上
有稷祠山下稷亭春秋宣公十五年秦桓公伐晉晉
侯治兵于稷以畧狄土

案近刻脫伐
晉晉侯四字

是也

又西過皮氏縣南

汾水西逕鄧丘北

案鄧近刻訛
作鄧下同

故漢氏之方澤也賈

逵云漢法三年祭地汾陰方澤澤中有方丘故謂之
方澤丘即鄧丘也許慎說文稱從邑癸聲

案癸近刻
訛作登

河東臨汾地名矣在介山北山即汾山也其山特立

周七十里高三十里文穎言在皮氏縣東南則可三

十里

案則近刻訛作側

乃非也今準此山可高十餘里山上

有神廟廟側有靈泉祈祭之日周而不耗世亦謂之
子推祠揚雄河東賦曰靈輿安步周流容與以覽于
介山嗟文公而愍推兮勤大禹于龍門晉太康記及
地道記與永初記竝言子推所逃隱于是山即實非
也余按介推所隱者綿山也文公環而封之為介推
田號其山為介山杜預曰在西河界休縣者是也汾

水又西逕耿鄉城北故殷都也帝祖乙自相徙此為河所毀故書敘曰祖乙圮于耿杜預曰平陽皮氏縣東南耿鄉是也盤庚以耿在河北迫近山川乃自耿

遷亳

案此下近刻行後字

晉獻公滅耿

案近刻作滅之

以封趙夙後襄

子與韓魏分晉韓康子居平陽魏桓子都安邑號為三晉此其一也漢武帝行幸河東濟汾河作秋風辭于斯水之上汾水又西逕皮氏縣南竹書紀年魏襄王十二年秦公孫爰率師伐我圍皮氏翟章率師救

皮氏圍疾西風十三年城皮氏者也漢河東太守潘
係穿渠引汾水以溉皮氏縣故渠尚存今無水也

又西至汾陰縣北西注于河

水南有長阜背汾帶河阜長四五里廣二里餘高十
丈汾水歷其陰西入河漢書謂之汾陰雕應劭曰雕
丘類也汾陰男子公孫祥望氣寶物之精上見祥言
之于武帝武帝于水獲寶鼎焉遷于甘泉宮改其年
曰元鼎即此處

澮水出河東絳縣東澮交東高山

澮水東出絳高山

案絳近刻作詳

亦曰河南山又曰澮山西

逕翼城南按詩譜言晉穆侯遷都于絳暨孫孝侯改

絳為翼翼為晉之舊都也後獻公北廣其城方二里

又命之為絳故司馬遷史記年表稱獻公九年始城

絳都左傳莊公二十六年晉士為城絳以深其宮是

也其水又西南合黑水

案此下近刻衍嶺字

水導源東北黑水

谷西南流逕翼城北右引北川水水出平川南流注

之亂流西南入澮水澮水又西南與諸水合謂之澮
交竹書紀年曰莊伯十二年翼侯焚曲沃之禾而還
作為文公也

案此句有訛舛未詳

又有賀水東出近川西南至

澮交入澮又有高泉水出東南近川西北趣澮交注
澮又南紫谷水東出白馬山白馬川遁甲開山圖曰

絳山東距白馬山謂是山也西逕熒庭城南

案熒近刻訛作

榮而西出紫谷與乾河合即教水之枝川也史記白
起傳稱涉河取韓安邑東至乾河是也其水西與田

川水合水出東溪西北至澮交入澮又有于家水

案于

近刻訛
作女

出于家谷竹書紀年曰莊伯以曲沃叛伐翼

公子萬救翼荀叔軫追之至于家谷有范壁水出于

壁下竝西北流至翼廣城昔晉軍北入翼廣築之因

即其姓以名之二水合而西北流至澮交入澮澮水

又西南與絳水合俗謂之白水非也水出絳山東

案此

下近刻
衍至字

寒泉奮湧揚波北注懸流奔壑一十許丈

案一

十近刻訛
作十一

青崖若點黛素湍如委練望之極為奇觀

矣其水西北流注于澮應劭曰絳水出絳縣西南蓋以故絳為言也史記稱智伯率韓魏引水灌晉陽不沒者三版智氏曰吾始不知水可以亡人國今乃知之汾水可以浸安邑絳水可以浸平陽

案原本及近刻竝訛作汾

水可以浸平陽絳水可以浸安邑今據戰國策史記資治通鑑訂正

時韓居平陽魏都

安邑魏桓子肘韓康子韓康子履魏桓子肘足接于車上而智氏以亡魯定公問一言可以喪邦有諸孔子以為幾乎余覩智氏之談矣汾水灌安邑或亦有

之絳水灌平陽未識所由也

案原本及近刻亦安邑平陽互訛今據括地志

及胡三省注通鑑

所引此文訂正

西過其縣南

春秋成公六年晉景公謀去故絳欲居郇瑕韓獻子

曰

案原本及近刻六年訛作元年晉景公訛作晉悼公韓獻子訛作魏獻子今據左傳改正

土薄

水淺不如新田有汾澮以流其惡遂居新田又謂之

絳即絳陽也蓋在絳澮之陽漢高帝六年封越騎將

軍華無害為侯國縣南對絳山面背二水古文瑣語

曰晉平公與齊景公乘至于澮上見乘白驂八駟以
來有犬狸身而狐尾隨平公之車公問師曠對首陽
之神有犬狸身狐尾其名曰者飲酒得福則徼之蓋

于是水之上也

案此有脫誤朱謀埠云太平廣記引
汲冢瑣語晉平公至澮上見人乘白

驂八駟以來有狸身而狐尾去其車而墮公之車公
問師曠師曠曰狸身而狐尾其名曰首陽之神飲酒
于霍太山而歸其逢
君于澮乎君具有喜

又西南過虎祁宮南

宮在新田絳縣故城西四十里晉平公之所構也時

有石言于魏榆晉侯以問師曠曠曰石不能言或憑
焉臣聞之作事不時怨讟動于民則有非言之物言
也今宮室崇侈民力彫盡石言不亦宜乎叔向以為
子野之言君子矣其宮也背汾面澮案也近刻
訛作地西則
兩川之交會也竹書紀年曰晉出公五年澮絕于梁
即是水也

又西至王澤注于汾水

案澤原本及近刻竝
訛作橋下注內不誤

晉智伯瑤攻趙襄子襄子奔保晉陽原過後至遇三

人于此澤自帶以下不見持竹二節與原過曰為我遺無卹原過受之于是澤所謂王澤也

涑水出河東聞喜縣東山黍葭谷

涑水所出俗謂之華谷至周陽與洮水合水源東出

清野山世人以為清襄山也其水東逕大嶺下

案近刻脫

逕字

西流出謂之哈口又西合涑水鄭使子產問晉平

公疾平公曰卜云臺駘為祟

案駘近刻訛作台下同

史官莫知

敢問子產曰高辛氏有二子長曰閼伯季曰實沈不

能相容帝遷闕伯于商丘遷實沈于大夏臺駘實沈
之後能業其官帝用嘉之國于汾川
案近刻脫于字由是觀
之臺駘汾洮之神也賈逵曰汾洮二水名司馬彪曰
洮水出閭喜縣故王莽以縣為洮亭也然則涑水殆
亦洮水之兼稱乎

西過周陽邑南

其城南臨涑水北倚山原竹書紀年晉獻公二十五
年正月翟人伐晉周有白兔舞于市即是邑也漢景

帝以封田勝為侯國

案此下近刻有也字

涑水西逕董澤陂南

即古池東西四里南北三里春秋文公六年蒐于董

案此句下近

刻衍澤字

即斯澤也涑水又與景水合水出景山

北谷山海經曰景山南望鹽販之澤北望少澤其草多藎蘩秦椒其陰多赭其陽多玉郭景純曰鹽販之澤即解縣鹽池也按經不言有水今有水焉西北流注于涑水也

又西南過左邑縣南

案左邑縣近刻訛作其縣

涑水又西逕仲邨鄆北又西逕桐鄉城北竹書紀年

曰翼侯伐曲沃大捷武公請成于翼

案成近刻
訛作城

至桐

乃返者也

案近刻桐訛作
洞下衍庭字

漢書曰武帝元鼎六年將

幸緱氏至左邑桐鄉聞南越破以為聞喜縣者也涑

水又西與沙渠水合水出東南近川西北流注于涑

水涑水又西南逕左邑縣故城南故曲沃也晉武公

自晉陽徙此秦改為左邑縣詩所謂從子于鵠者也

春秋傳曰下國有宗廟謂之國在絳曰下國矣即新

城也王莽之洮亭也涑水自城西注水流急濬輕津

無緩故詩人以為激揚之水言不能流移東薪耳水

側即狐突遇申生處也春秋傳曰秋狐突適下國遇

太子太子使登僕曰夷吾無禮吾請帝以畀秦對曰

神不歆非類君其圖之君曰諾請七日見我于新城

西偏及期而往見于此處故傳曰鬼神所憑有時而

信矣涑水又西逕王官城北城在南原上

案近刻
脫城字

春

秋左傳成公十三年四月晉侯使呂相絕秦曰康猶

不悛入我河曲伐我涑川俘我王官故有河曲之戰
是矣今世人猶謂其城曰王城也

又西南過安邑縣西

安邑禹都也禹娶塗山氏女思戀本國築臺以望之
今城南門臺基猶存余按禮天子諸侯臺門隅阿相
降而已未必一如書傳也故晉邑矣春秋時魏絳自
魏徙此昔文侯懸師經之琴于其門以為言戒也武
侯二年又城安邑蓋增廣之秦始皇使左更白起取

安邑置河東郡王莽更名洮隊

案近刻訛作陽

縣曰河東也

有項寧都學道升仙忽復還此河東號曰斥仙漢世

又有閔仲叔隱遁市邑罕有知者後以識瞻而去涑

水西南逕監鹽縣故城

案此縣即下文所云分猗氏安邑置縣以守之者也

南有鹽池上承鹽水

案近刻訛作水承之鹽

水出東南薄山西

北流逕巫咸山北地理志曰山在安邑縣南

案近刻訛作東

海外西經曰巫咸國在女丑北

案近刻脫國字

右手操青蛇

左手操赤蛇在登葆山羣巫所從上下也大荒西經

云大荒之中有靈山巫咸巫即巫盼巫彭巫姑巫真

巫禮巫抵巫謝巫羅

案近刻盼作盼
真作貞禮作孔

十巫從此升降

百藥爰在郭景純曰言羣巫上下靈山採藥往來也

蓋神巫所遊故山得其名矣谷口嶺上

案口近刻
訛作曰

有

巫咸祠其水又逕安邑故城南又西流注于鹽池地

理志曰鹽池在安邑西南許慎謂之鹽

案近刻訛作
謂之鹽鹽

長五十一里廣七里周百一十六里從鹽省古聲

案近

刻作廣六里周一百一十四里從鹽古聲

呂沈曰夙沙初作者煮海鹽

案近
刻訛

作呂宿曰沈沙
煮海謂之鹽

河東鹽池謂之鹽

案近刻訛作謂之
解鹽蓋後人所改

今池水東西七十里南北十七里紫色澄渟潭而不

流

案潭近刻
訛作渾

水出石鹽自然印成朝取夕復終無減

損惟山水暴至雨澍潢潦奔洑

案近刻訛作惟水
暴雨澍甘潦奔洑

則

鹽池用耗故公私共竭水徑防其淫濫涓之鹽水亦

謂之為竭水

案近刻脫謂之二字此
句之下有也故二字衍

山海經謂之鹽

販之澤也澤南面層山天巖雲秀地谷淵深

案近刻
訛作池

谷泉
深

左右壁立間不容軌謂之石門路出其中名之

曰徑南通上陽北暨鹽澤

案暨近刻訛作暨

池西又有一池

謂之女鹽澤東西二十五里南北二十里在猗氏故城南春秋成公六年晉謀去故絳大夫曰郇瑕地沃

饒近鹽服虔曰土平有漑曰沃鹽鹽池也

案此四字近刻訛作

鹽鹽也三字

土俗裂水沃麻

案近刻訛作土人鄉俗引水裂沃麻

分灌川野

畦水耗竭土自成鹽即所謂鹹鹺也

案鹹近刻訛作鹽

而味

苦號曰鹽田鹽鹽之名始資是矣本司鹽都尉治領兵千餘人守之周穆王漢章帝竝幸安邑而觀鹽池

故杜預曰猗氏有鹽池後罷尉司分猗氏安邑置縣以守之

又南過解縣東又西南注于張陽池

涑水又西逕猗氏縣故城北春秋文公七年晉敗秦于令狐至于刳首先蔑奔秦士會從之闕駟曰令狐即猗氏也刳首在西三十里縣南對澤即猗頓之故居也孔叢曰猗頓魯之窮士也耕則常饑桑則常寒聞朱公富往而問術焉朱公告之曰子欲速富當畜

五狩于是乃適西河大畜牛羊于猗氏之南十年之

間其息不可計貲擬王公馳名天下以興富于猗氏

故曰猗頓也涑水又西逕郇城詩云郇伯勞之蓋其

故國也杜元凱春秋釋地云今解縣西北有郇城服

虔曰郇國在解縣東郇瑕氏之墟也余按竹書紀年

云晉惠公十有四年秦穆公率師送公子重耳圍令

狐桑泉曰衰皆降于秦師

案于近刻
訛作焉

狐毛與先軫禦

秦至于廬柳乃謂秦穆公使公子繫來與師言退舍

次于郟盟于軍京相璠春秋土地名曰

案曰字近刻
訛在春字上

桑泉曰衰竝在解東南不言解明不至解可知春秋
之文與竹書不殊今解故城東北二十四里有故城
在猗氏故城西北鄉俗名之為郟城考服虔之說又
與俗符賢于杜氏單文孤證矣涑水又西南逕解縣
故城南春秋晉惠公因秦返國許秦以河外五城內
及解梁即斯城也涑水又西南逕瑕城晉大夫詹嘉
之故邑也春秋僖公三十年秦晉圍鄭鄭伯使燭之

武謂秦穆公曰

案近刻
脫穆字

晉許君焦瑕朝濟而夕設版

者也京相璠曰今河東解縣西南五里有故瑕城涑

水又西南逕張陽城東竹書紀年齊師逐鄭太子齒

奔張城南鄭者也

案張城近刻
訛作城張

漢書之所謂東張矣

高祖二年曹參假左丞相別與韓信東攻魏將孫遨

軍東張

案孫下近
刻衍林字

大破之蘇林曰屬河東即斯城也

涑水又西南屬于陂陂分為二城南面兩陂左右澤

渚東陂世謂之晉興澤東西二十五里南北八里南

對鹽道山其西則石壁千尋東則磻溪萬仞方嶺雲

迴奇峯霞舉孤標秀出罩絡羣山之表翠柏蔭峯清

泉灌頂郭景純云世所謂鴛漿也發于上而潛于下

矣厥頂方平有良藥神農本草曰地有固活女踈銅

芸紫苑之族也是以緇服思元之士鹿裘念一之夫

代往遊馬路出北巘勢多懸絕來去者咸援蘿騰崆

尋葛降深于東則連木乃陟百梯方降巖側縻鎖之

跡仍今存焉故亦曰百梯山也水自山

案自近刻訛作泉北

流五里而伏云潛通澤渚所未詳也西陂即張澤也
西北去蒲坂十五里東西二十里南北四五里冬夏
積水亦時有盈耗也

文水出大陵縣西山文谷東到其縣屈南到平陶縣東
北東入于汾

文水逕大陵縣故城西而南流有沁水注之縣西南
山下武氏穿井給養井至幽深後一朝水溢平地

案近

刻訛
作流

東南注文水文水又南逕平陶縣之故城東西

逕其城內南流出郭王莽更曰多穰也文水又南逕縣右會隱泉口水出謁泉山之上頂

案近刻脫出字

俗云暘

雨愆時是謁是禱故山得其名非所詳也其山石崖絕險壁立天固崖半有一石室去地可五十餘丈爰有層松飾巖列柏綺望惟西側一處得歷級升陟頂上平地十許頃沙門釋僧光表建二刹泉發于兩寺之間東流瀝石沿注山下又東津渠隱沒而不恒流故有隱泉之名矣雨澤豐澍則通入文水文水又南

逕茲氏縣故城東為文湖東西十五里南北三十里

世謂之西湖

案近刻訛作西河

在縣直東十里湖之西側臨

湖又有一城謂之潛城水澤所聚謂之都亦曰潛蓋

即水以名城也文湖又東逕中陽縣故城東案晉書

地道記太康地記西河有中陽城

案近刻訛作縣

舊縣也文

水又東南流與勝水合水西出狐岐之山

案西出近刻訛作出

西東逕六壁城南魏朝舊置六壁于其下防離石諸

胡因為大鎮太和中罷鎮仍置西河郡焉勝水又東

合陽泉水水出西山陽溪東逕六壁城北又東南流注于勝水勝水又東逕中陽故城南又東合文水文水又東南入于汾水也

原公水出茲氏縣西羊頭山東過其縣北

縣故秦置也漢高帝更封沂陽侯嬰為侯國王莽之茲同也魏黃初二年分太原復置西河郡晉徙封陳

王斌于西河故縣有西河繆王司馬子政廟

案近刻脫分太

原至故縣有凡二十字又繆訛作恭政訛作盛

碑文云西河舊處山林漢末

擾攘百姓失所魏興更開疆宇分割太原四縣以為

邦邑其郡帶山側塞矣王以咸寧三年

案近刻作四年

改命

爵土明年

案近刻作其年

十二月喪國臣太農閻崇離石令

宗羣等二百三十四人刊石立碑以述勲德碑北廟

基尚存也

又東入于汾

水注文湖不至汾也

洞過水出沾縣北山

案魏書地形志作同過云五水合道故曰同過近刻過作過

其水西流與南溪水合水出南山西北流注洞過水

洞過水又西北黑水西出山三源合舍

案近刻訛作三合源舍

同歸一川東流南屈逕受陽縣故城東

案近刻脫逕字按晉

太康地記樂平郡有受陽縣盧諶征艱賦所謂歷受

陽而總轡者也其水又西南入洞過水洞過水又西

蒲水南出蒲谷北流注之洞過水又西

案近刻訛作于洞過又西

與原過水合近北便水源也

案近刻訛作北便水流也

逕水西阜

上有原過祠蓋懷道協靈受書天使憂結宿情傳芳

後日棟宇雖淪攢木猶茂故水取名焉

案故下近刻有層感二字

行其水南流注于洞過水也

西過榆次縣南又西到晉陽縣南

榆次縣故涂水鄉

案涂近刻訛作塗下涂陽同

晉大夫智徐吾之

邑也春秋昭公八年晉侯築虎祁之宮有石言晉之

魏榆服虔曰魏晉邑榆州里名也漢書曰榆次十三

州志以為涂陽縣矣王莽之太原亭也縣南側水有

鑿臺韓魏殺智伯瑤于其下刳腹絕腸折頸摺頤處

也

案近刻頸訛作頭摺訛作措

其水又西南流逕武灌城西北

案灌

近刻訛作觀

盧諶征艱賦曰逕武館之故郭問厥塗之遠

近

案塗近刻訛作墮

洞過水又西南為淳湖謂之洞過澤

案澤

近刻訛作津

澤南

案近刻訛作而

涂水注之水出陽邑東北大嶮

山涂谷西南逕蘿磨亭南與蔣谷水合水出縣東南

蔣溪魏土地記曰晉陽城東南百一十里至山有蔣

谷大道度軒車嶺通于武鄉水自蔣溪西北流西逕

箕城北春秋僖公三十三年晉人敗狄于箕杜預釋

地曰城在陽邑南水北即陽邑縣故城也竹書紀年
曰梁惠成王九年與邯鄲榆次陽邑者也王莽之繁
穰矣蔣溪又西合涂水亂流西北入洞過澤也

西入于汾出晉水下口者也

劉琨之為并州也劉曜引兵邀擊之
戰于洞過即是水也

案劉曜近刻
訛作劉淵

合

晉水出晉陽縣西懸甕山

縣故唐國也春秋左傳稱唐叔未生其母邑姜夢帝

謂己曰余名而子曰虞將與之唐屬之參及生名之
曰虞呂氏春秋曰叔虞與成王居王援桐葉為珪以
授之曰吾以此封汝虞以告周公周公請曰天子封
虞乎王曰余戲耳公曰天子無戲言時唐滅乃封之
于唐縣有晉水後改名為晉故子夏敘詩稱此晉也
而謂之唐儉而用禮有堯之遺風也晉書地道記及
十三州志竝言晉水出龍山一名結紉山

案名近刻
訛作水

在縣西北非也山海經曰懸甕之山晉水出焉今在

縣之西南昔智伯之過晉水以灌晉陽

案水以近刻訛作以水

其川上滌後人踵其遺跡蓄以為沼沼西際山枕水有唐叔虞祠水側有涼堂結飛梁于水上左右雜樹交陰希見曦景至有淫朋密友羈遊宦子莫不尋梁契集用相娛慰于晉川之中最為勝處

又東過其縣南又東入于汾水

沼水分為二派

案近刻訛作汾水分為二流

北瀆即智氏故渠也

昔在戰國襄子保晉陽智氏防山以水之城不沒者

三版與韓魏望歎于此故智氏用亡其瀆乘高東北

注入晉陽城以周灌漑

案灌近刻訛作園

漢末赤眉之難郡

掾劉茂負太守孫福匿于城門西下空穴中其夜奔

孟即是處也東南出城流注于汾水也其南瀆于石

塘之下伏流逕舊溪東南出逕晉陽城南城在晉水

之陽故曰晉陽矣

案近刻脫故字

經書晉荀吳帥師敗狄于

大鹵杜預曰大鹵晉陽縣也為晉之舊都春秋定公

十三年趙鞅以晉陽叛後乃為趙矣其水又東南流

入于汾

湛水出河內軹縣西北山

湛水出軹縣南原湛溪

案近刻軹訛作
枳原訛作源

俗謂之樵水

也

案樵近刻
訛作湛

是蓋聲形盡鄰故字讀俱變同于三豕

之誤耳其水自溪出南流

東過其縣北又東過波縣之北

案波近刻
訛作皮

湛水南逕向城東而南注

又東過毋辟邑南

原經所注

案原近刻訛作源

斯乃湫川之所由

案湫原本及近刻竝訛作

洎今改正湫水詳見卷七濟水內

非湛水之間闕也是乃經之誤證

耳

案近刻脫乃字

湛水自向城東南逕湛城東時人謂之湛

城

案近刻訛作湛城

亦或謂之隰城矣溪曰隰澗隰城在東

言此非矣後漢郡國志曰河陽縣有湛城是也

又東南當平縣之東北

案平縣原本及近刻竝訛作平陰縣考河水注云河水又東逕

平縣故城北又東湫水入焉此注云原經所注斯乃湫川之所由不得為平陰明矣今訂正

南入于

河

湛水又東南逕鄧南流注于河故河濟有鄧津之名

矣

案鄧津在孟津西河水自西而東先得清水次教水次畛水次庸庸之水乃至平陰又得瀑水次至

鄧得湛水次至平縣得溲水撰水經者敘清水于平陰下敘湛水于平縣下皆于地望不協故道元辨其非

水經注卷六